




VERGAT
DE S
PATRICIO







~~L. 449.~~

~~2240.~~

~~2240.~~

Æ. 353.

(Pièce I, Daron 1052.)

Pièce 2

Pièce 3 : [Canuti]. M. mentionné
à la Bibl. Mazarine (Mazarin et de France, Cat.
Inc. p. 757. n° 6213), ce n'est aucun des
de la B.N.

Pièce 4 : Ce n'est aucun des volumes de-
crits par M^{lle} Pichot ou Brunet. Ce n'est
pas non plus l'édition de la Bibl. J. de Wolfenbütel
ni celle de G. K. 1544 et 1545.

Pièce 5 : Ce n'est aucun des volumes cités
par Brunet IV, 49.

Pièce 6 : Ce n'est aucun des volumes cités
par Brunet IV 580.

Pièce 7 : Bonafolia de Solen, etc.

Ce Recueil contient 1^o stella clericorum 2^o La confession de frere Olivier et Marthard. 3^o Remède très utile contre fièvre pestilentielle. 4^o La complainte douloureuse de l'ame damnée. 5^o Lettre [fort singulière] du prêtre Jeak. 6^o Purgatoire de St Patrice. 7^o Les paraboles de Salomon.

Unesque

**Sensuient plusieurs nou
uelles et diuersitez estans
entre les bestes en la terre de
Prestre Jehan**

J'ay copié ce manuscrit de la plus ancienne de M. DuRoi
auteur du manuscrit qui se trouve dans sa
collection (mois d'Avril 1754. Reg. 28.) et y
ajoute des réflexions assez curieuses que j'ay voulu insérer.

P. Leconte

[u 14907

cm 1 2 3 4 5 6 7 8 9 10 11 12 13 14 15 16 17 18 19

Handwritten text, likely bleed-through from the reverse side of the page. The text is faint and illegible.

cm 1 2 3 4 5 6 7 8 9 10 11 12 13 14

Destree Jehan Par la grace de
Dieu roy tout puissant sur to⁹
les roys chrestiens. Mandés
salut a l'empereur de romme
Et au roy de frâce noz amis
Nous vous faisons scauoir
de nous de nostre estat et du
gouuernement de nostre terre. Cest assauoir
de noz gens et de noz manieres de bestes. Et
pource que vous dittes que nos grecz ou gens
gregoises ne saccozient a adorer dieu comme
vous faictes en vostre terre. Nous vous fai
sons scauoir que nous adorons et croyons le pe
re le filz et le saint esperit. qui sont troyes per
sones en Vne deite et Vng Bray dieu seulemēt
Et vous certifions & mandés par noz lettres
sellees de nostre seel de lestat et maniere de no
stre terre et de noz gens. Et se riens voulez q
faire puissions mandez le nous. car nous le fe
rons de tresbon cueur. Et si vous voulez ve
nir par deca en nostre terre pour le bien q nous
auons ouy dire de vous nous vous ferons sei
gneur appres nous. et vous donnerons grant
des terres seignouries et habitations

A is

Item sachez que nous auons la plus
haulte couronne qui soit en tout le monde. Ain
si comme dor d'argent et pierres precieuses Et
de bonnes fermetez de Villes de citez de chaste
aulx et de bours **I**tem sachez aussi que nous
auons en nostre puissance quarente et deulx
roys tous puissans et bons chrestiens.

Item sachez que nous soustendons de nos
aumosnes tous les pources qui sont en nostre
terre soient priuez ou estrangers pour l'amour
et honneur de iesuchrist.

Item sachez que nous auons promis et iure
en nostre bonne foy a conquerre le sepulcre de
nostre seigneur et toute la terre de promesse
Et se Vous Voulez nous l'auoir se dieu plaist
mais que Vous ayez grande et bonne hardiesse
en Vous ainsi come il nous a este rapporte de bon
courage Bray et loyal. Mais entre Vous aut
tres francs auez de Vostre lignage et de Vos
gens qui sont avec les sarrasins esquelz Vous
auez fiance et cuidez quilz Vous aident et soy
uent ayder et ilz sont faulx et traitres hospita
liers Et sachez que nous les auons traynes
a destruitz ceulx qui estoient en nostre terre car

ainsy le doit on faire de ceulx qui sont contre
la foy. **I**tem sachez que nostre terre est di
uisee en quatre parties car les yndes y sont.
Et en la majeure ynde gist le corps saint tho
mas l'apostre pour lequel nostre seigneur ihe
suschrist fait plus de miracles que pour saintz
qui soiēt en paradis. Et icelle ynde est en la p
tie d'orient car elle est pres de babylonne la de
serte & aussi elle est pres d'une tour qu'on appel
le babel. En l'autre partie deuers septentrion
y est grant abundance de pain de vin de chairs
& de toutes choses qui sont bonnes a sustenir
corps humain.

Item en nostre terre sont les olifans & une
autre maniere de beste que lon appelle droma
deres. & cheuaulx blancs. & beufz sauuaiges qui
ont sept cornes. & ours blancs. et lyons moult
estranges de quatre manieres. Cest assauoir
rouges. vers. noirs. et blancs. **E**t asnes sau
uaiges qui ont deux petites cornes. Et lieures
sauuaiges qui sont grans comme ung mon
ton & cheuaulx vers qui courent plus tost que
nulles autres bestes & ont deulx petites cornes.

Item sachez que nous auons les oyseaux

A iij

qui sappellent grifons et portent biē ung beuf
ou ung cheual en leur nid pour donner a man
ger a leur petis oyseaulx.

Atem sachez que nous auons une autre
maniere de oyseaulx lesquelz ont seignourie
sur tous les aultres oyseaulx du monde et ont
couleur de feu et leurs elles sont tranchantes
comme rasoirs. Et sont appelez pllerions et
en tout le monde nen a fors que deulx et viuēt
lespace de soixante ans et puis sen vont noier
en la mer. Toutefois ilz couuent premier et
couuent deulx ou troyx oeufz lesquelz ilz cou
uent lespace de quarante iours et puy esclou
ent et deuiennent petis oyseaulx. Et adonc/
ques les grans cestassauoir pere et mere sen
partent et sen vont noier en la mer comme dit
est. Et tous oyseaulx qui adoncques les ren
contrent leur font compaignie iusques a la
mer et ne se partent point denlx iusques a tāt
quilz soyent noyez. Et quant ilz sont noyez
ilz retournent et viennēt aulx petis oyseaulx
et les nourrissēt iusques a tant quil soiēt grās
et quilz puissent voler et leur vie pourchasser.

Atem sachez q par deca sont aultres oyseaulx

qui sont appellez tygres & sont de sy grāde force et vertu quilz emportent bien ung homme tout arme et son cheual et le tuent

Item sachez que en vne partie de nostre terre dedēs le desert a vne maniere d'hommes qui sont cornuz lesquels nont que ung oeil deuant et troyx ou quatre derriere. Et ya des fēmes qui sont pareilles aux hommes.

Item en nostre terre ya vne autre maniere de gens qui ne viuent fors que de chair crue d'hommes et de fēmes et bestes et ne doubēt point a mourir Et quant l'ung d'eulx est mort soit pere ou mere ilz les mangeussēt tous cruz Et diēt que bonne chose naturelle est de manger chair humaine & font ce en remission de leurs pechez. Et celles gēs sont mauditz de dieu et sont appellez got & magot & est plus de natiōs de celles gēs que de toutes aultres gēs. lesq̄lz s'espondront par tout le monde en la venue de l'antecrist. Car ilz sont de son alliance et de sa cōpaignie. Et celles gēs sōt ceulx qui ecloprēt le roy alixandre en macedōne & le mirēt en prison et leur eschappa. Toutefois dieu leur en uoyra du ciel foudre & feu ardāt qui tous les

ardra et cōfondra & lantecrist aussy & par telle
maniere seront destruitz et gastez. toutesfois
nous en menons bien de ces gens avecques
nous en la guerre quant nous y voulōs aller
et leur donnons congie et licence de mangier
noz annemis si que de mille nen demeure ung
qui ne soit deuoure et gaste. Et puis les fay/
sons retourner en leur terre. Car silz demou/
roient longuement avecques nous ilz nous
mangeroient tous.

Item nous auons une aultre maniere de gēs
en nostre terre qui ont les piez rons cōme ung
cheual et aux tallons derriere ont quatre cou/
stes fortes et tranchans de quoy ilz se comba/
tent tellement que nulles armeures ne leur
peuēt durer et si sont bons cristieus et labourēt
boulentiers leur terre et la nostre et nous dō/
nent grans truaiges chascun an.

Item nous auons en une aultre partie du de/
sert une terre qui dure quarante et deux iour/
nees de long. Et est appelée feminine la grāt
et ne cuidez pas que ce soyt en terre sarrasine
car celle que nous disons est en nostre terre.
Et en pcelle terre sont troyes roynes sans les

aultres dames qui tiennent leurs terres delles.
Et quant ycelles troyx royne Deullēt aller
en bataille chascune delles meyne avecques
soy cent mille femmes en armes. **D**ans les
aultres qui meynent les chaires les cheuaulx
les oliflans qui portent les armes et les bian
des. Et sachez quelles se combatent fort com/
me si elles feussent hommes. Et sachez que
nul homme masle ne demeure avecques elles
fors que neuf iours lesq̄lz durāt il se peult de
porter et solacier avecques elles et engendrer
et non plus car aultremēt il seroit mort.

Item celle terre est entournee dun fleuve
qui vient de paradis terrestre et est appelle cy/
son et est si grāt que nul ne le peult passer si nō
en grandes nefz ou en grandes barques.

Itē sachez que entre celle terre a une aultre
riviēre quon appelle piconye qui est petite qui
ne dure que dix iournees de long et sept de lar
ge. et les gens sont aussi petis comme un g en
fant de sept ans et leurs cheuaulx petis cōme
un g moutō et sont bōs xp̄iens et labourēt bou
lētiers et nulle psonne ne leur fait guerre fors
que les oyseaulx qui viēnēt chascū an quāt ilz

Soyuent cuylir leurs blez et leurs Vengences
Et adoncques le roy dicelle terre sarme de tout
son pouoir contre les ditz oyseaulx et font grã
de turie les Vngz contre les aultres Et puis
les oyseaulx sen retournent.

Item sachez que en nostre terre sont les sagi
taïres qui sont de puis la saincture en amõt en
forme de homme et contre bas en forme de che
ual Et portent en leurs mains arcs et fley
ches & trayent plus fort que nulle autre mani
ere de gens et mangeussent chair crue Et les
prennent aucuns de nostre court et les tien
nent anchainez & les gens y Viennent les Veoir
par grant merueille

Item sachez que en nostre terre sont les ly
cornes qui ont en leur fronc Vne corne tãt seu
lemēt & en y a de trois maires de Vers de noirs
et aussy de blans et occisent le lyon aucunes
foys Mais le lyon les occit moult subtillemēt
car quant la licorne est lassee elle se met deco
ste Vng arbre et le lyon Va entour et la licorne
le cuide fraper de sa corne et elle frappe l'arbre
de si grant Vertu quelle ne la peult oster adonc
le lyon la tue

Item sachez que en l'autre partie du desert
sont les gens qui souloient auoir .lx. coudées de
hault & maintenant nen ont que Vingt et ne
peuent pssir du desert car a dieu ne plaist n'ye
Car se ilz estoient dehors ilz pourroyent biē com
batre a tout le monde

Item sachez que en nostre terre ya Vng oy
seau qui est appelle fenix & est le plus bel oyse
au du monde Mais en tout le monde nen a q
Vng lequel Vit cēt ans & puis sen monte Vers
le ciel sy pres du soleil tant que le feu se prêt
a ses hèles & puis descent en son nid & se art
Et de ces cendres se congrue Vng Ver & puis
retourne Vng oyseau en la fin de cent iours
aussi beau comme deuant estoit.

Item en nostre terre ya habūdance de pain
de Vin de chars & de toutes choses qui sont bon
nes a soustenir corps humain.

Item sachez q en Vne partie de nostre terre ne
peut être nulle beste q de sa nature porte Veni

Item sachez que entre nous & les sarasins
court Vne riuere que lon appelle ydonis et Vi
ent de paradis terrestre & est toute pleine de pi
erres precieuses et court par nostre terre en

maintes parties de petites riuieres et grâdes
et la treuve on moult de pierres precieuses.
Cestassauoir esmeraudes. Safirs. Jaspis.
Cassidopnes Rubis Charboncles Scobasses
Et plusieurs autres pierres precieuses q' n'ay
pas nommees et de chascune scauons le nom
et la Vertu.

Item sachez que en nostre terre a Vne herbe
apellee permanable. Et qui en porte sur soy il
peult enchanter le dyable & luy demander qui
il est et ou il Va quil fait par terre & le peult fai
re parler. Et pour ce le dyable n'ose estre en
nostre terre

Item sachez que en nostre terre croist le pop
ure le quel nest iamaïs seme & cropst entre les
arbres et les serpens. et quât il est meür nous
mâdons noz hômes pour le cuyllir & y mettēt
le feu dedens le bois et tout se art & quât le feu
est passe ilz font grans mōceaulx de popure et
de serpens et le boute lon avec et puy le porte
lon a loftel. et le laue on en deulx ou en troy
eues. et puis on le fait secher au soleil. Et en
pcelle maniere deuiert noir bon et fort.

Item sachez que aupres de celle partie a Vne

fontaine q̄ qui en peult boire de leue trois fois
a ieun il naura maladie de trente ans ⁊ quant
il en aura beu il luy sera auts quil ait mange
toutes les meilleures viandes ⁊ espices du mō
de et est toute plaine de la grace du saint espe
rit. Et qui se peult baigner en la fontaine sil
est en laage de cēt ans ou de mille il retourne
en laage de trente et deux ans. Et sachez que
nous fusmes ne et saictifie au Sētre de nostre
mere et si auōs passe cinq cēs soixante et deux
ans et nous sommes baignez dedans la fon/
taine six foyes.

Item sachez que en nostre terre naist la mer
Sarayne et court moult fort et fait odes terri/
bles. Et nul hōme ne la peult passer fors que
nous. pour riēs quon face. ⁊ nous faisons por/
ter a noz grifons ainsi cōme fist alixādre quāt
il alla conquerre le chasteau enchante.

Item de couste celle mer passe ung fleuve
⁊ en iceluy treuve lon moult de pierres preci/
euses et maintes bōnes herbes qui sont bōnes
en toutes medecines.

Item sachez que entre nous et les iuisz pas/
se une riuere qui est plaine de pierres p̄cieuses

B i

et court tant fort q nulle personne ne la peult
passer excepte le sabmedy quelle repose et tout
ce quelle treuve elle emporte en la mer Saray/
ne Et icelluy pas nous fault garder car nous
auons en icelle frôtiere quarante et deux cha/
steaulx plus beaulx et plus fortz qj soyêt au
monde et auons gens qui les gardent. Cest/
assauoir dix mille cheualiers et six mille arba
lestiers ⁊ quinze mille archiers ⁊ quarâte mille
serians a cheual et en armes qui gardent les
passages deuant ditz. Pour tant que se le grât
roy disrael benoit avec sa compagnie ne puis/
se passer avecques ces iuisz lesquelz sont plus
bien deux foyz que de christiës ne de sarrasins
Car ilz tiennêt les deux parties du môde Et
sachez q le grant roy disrael a en soy toyz cens
rois ⁊ quatre mille princes. que ducz que côtes
tous iuisz et qui a luy obeissent.

Item sachez que ce les iuisz pouoiêt passer y/
celluy pas tout seroiêt mors xpiens ⁊ sarrasins

Item sachez que nous laissons passer chas/
cun samedi huit cens ou mille iuisz pour mar
chander. Mais ilz nentrent point dedens nos
fermettez. mais marchandent dehors De la

doubte que nous auons deulx et ne marchan-
dent fors que en placques dor et d'argent. car
ilz n'ont point d'autre monnoye. Et quant ilz
ont fait leur marchandise ilz s'en retournent en
leurs pays.

Item sachez que nous auons quarante & deux
chasteaulx qui sont pres l'un de l'autre d'un
trait d'arbalestre et non plus

Item sachez que nous auons a une lieue
pres de la une cite qui s'appelle oriodé la grant
la plus belle et la plus forte qui soit au monde
Et ung de nos roys la garde lequel recoyt du
grant roy d'israel le tribut car il nous doit cha-
scun an deux cens cheuaux chargez dor et d'ar-
gent & de pierres precieuses. et oultre la despense
à ce fait en celle cite & es dessusditz chasteaulx

Item sachez que quant nous leurs faisons
guerre nous occisons trestous ceulz qui sont
en nostre terre. Et pour ce ne soient mouuoir
ne faire guerre. Et sachez que les iuifues sont
les plus belles femmes du monde et les plus
chaudes. Et sachez que pres d'icelluy fleuve
qui est d'arapne vient la mer areneuse et nul
homme ne la peult passer. et non pourtant

B ij

quant le Vent fient deffoubz adoncques se spant
par la terre et adoncques le peult on bien pas-
ser. mais q on se haste de retourner. car se on ne
le faisoit on demoureroit dedes la mer Et tou-
te la ruine q sen peut retourner se couertist en
pierres precieuses et ilz ne le peuvent vendre
iusques a tant que nous les ayons veues Et
se nous les voulons auoir nous les pouons
prendre a lestime de nos marchans.

Item en une partie de nostre terre a une
montaigne en la quelle nul ne peult habiter
pour la grant chaleur qui y est. et illec se nour-
rissent aucuns vers qui ne peuvent viure sans
feu. Et au pres de celle montaigne nous tenons
tousiours quarante mille personnes qui font
illec grant feu. Et quant iceulx vers sentent
la chaleur du feu ilz yssent de la terre et sen en-
trent au feu. et illec font ung poil tel comme
font les vers qui font la soye Et de celluy poil
faisons nos robes et celles a nos femmes que
nous bestons les festes annuelles. Et quant
nous les voulons laver nous les mettons au
feu. et lors se retournent belles et fresches

Item sachez que nul roy chrestien na tât

de richesses comme nous auons pour ce que
nul homme ne peult estre pource en nostre terre
qui dueille gagner.

Item sachez que saint thomas y fait plus de
miracles que saint qui soit en paradis. Car
il presche Dne foye lan corporellement en son
eglise a toutes gens Et presche en Dng palais
que vous oiez.

Ite sachez que en Dne aultre partie de nostre
terre pa des gens destrage fasson cest assauoir
qui ont corps comme et la teste de chien et ne
peult lon entendre leur langage et sont bons
pescheurs car ilz entrent au plus parfors de
la mer et sont Dng iour sans yssir dehors et pre
nent de telz poyssons quilz veulent et vien
nent tous chargez en leurs maisons qui sont
soubz terre. Et nous espyons ou ilz les met
tent et en prenons tout ce que nous voulons
Et sachez que pcelles ges font assez de maux
a nos bestes sauluaiges car ilz les mangeusent
et se combatent contre les archiers. Et font
souuent de belles batailles.

Item en nostre terre a Dne maniere soyse/
aux qui sont de plus chaude nature que les
B iij

aultres. Car quant ilz Deulēt pondre ilz pon/
dent au fons de la mer ⁊ font. xxi. oeuf ⁊ deuiē
nent oyseaux. et puis sen Dillent. et nous en
prenons plusieurs. Car ilz sont bons a man/
ger tant comme ilz sont ieunes. et se nature e/
stoit faillie a l'omme ou a la femme ⁊ ilz men/
goiēt de ces oyseaulx tātost leur nature leur
retourneroit ⁊ seroiēt aussy fors ou pl' q̄ deuāt
Item en nostre terre est l'arbre de Vie Du q̄l
vient le cressme et ycelluy arbre est tout sec et
Vng serpent le garde et Veille tout lan le iour
et la nuyt fors que le iour de la saint iehan q̄l
se dort iour et nuyt. **E**t adonchues nous al/
lons a l'arbre ⁊ en tout lan nen vient que trois
liures lesquelles viennent goutte apres gout
te ⁊ quant nous sommes au pres d'ycelluy cress
me nous le prenōs et puis nous en retourndōs
tout bellemēt de peur que le serpent ne viēne
Et ycelluy arbre est pres de paradis terrestre
d'une iournee. **E**t quant ledit serpent est es/
veille il se courrouse et crye tant fort que lon
lentent d'une iournee et sy est Deux foyz plus
grant que Vng cheual et a neuf testes et deux
elles et quant nous auons passe la mer il sen

retourne et nous portons le crespine au patriarche de saint thomas et pcelluy le sacre de quoy nous sommes chrestiens. **E**t le demourant nous lenuoyons au patriarche de iherusalem et celluy lenuoye au pape de romme lequel le sacre et multiplie par huyple dositte et puis lenuoye par les chrestiens de la mer

Item en nostre terre na nulz larrons priuez ne estrangers car dieu et saint thomas les confondroient et nous les ferions mourir de mort. Et sachez que nous auons cheuaux Bers qui portent ung cheualier tout arme trois ou quatre iours sans manger

Itez quat nous alons en bataille nous faisons porter deuant nous par quatorze roys aournez dor et dargent quatorze confarons aournez de diuerses pierres precieuses. Et autres roys qui viennent apres qui portent bannieres de cendal moult richement aournees

Item sachez que deuant nous vont armez quarente mille clerics et autant de cheualiers et deux cens mille homes de pie sans les charettes qui portent les viandes et sans les ostiles et les chameaux qui portent les armeures

Item quant nous alōs en bataille nous recōmā
dōs nostre terre au patriarche de saint thomas.

Item sachez que quant nous cheuauchons
simplement nous faisons porter Vne croix de
bois tant seulemēt deuāt nous pour ce q nous
aions en remembrāce nostre seigneur ihūcrist

Item a lētree de chascūe de nos citez sōt trops
croix de bois afin q les gēs adorēt la saīte croix
Item quant nous cheuauchōs siplemēt nous fai
sōs porter Vng bassin dor plain de terre en signe
q nous sōmes tous venus de terre & quil nous
fault en terre retourner & faisōs porter Vng au
tre bassin tout plain dor en demōstrāt q nous
sommes le plus puissāt Roy & le plus signē de
tout le monde.

Item sachez que nulle personne nōse fayre
le peche de luxure en nostre terre. Car incon
tinent ilz seroient ars. et pour ce establit dieu
le sacrement de mariage.

Item sachez que nulle personne nōse mētir
en nostre terre Car il seroit mort & pēdu

Item sachez que nous Visitons chascun an
le corps de saint Daniel le prophete qui est au
desert et menons avec nous dix mille clerics et

au tant de cheualiers et deux cens chasteaulx
bastiz sur les oliflans qui portēt vng chasteau
pour nous garder des dragons qui ont sept te
stes sur chascun deux. Et sachez que en ce de
sert ya des meilleures dates qui pendēt es ar
bres et sont bones vertes et meures puer et este
Et dure le desert quatre vingz et soixante iour
nees et illec sont les deux patriarches de saint
thomas a seent a table deuant nous pour ce qz
ont le pouoir du pape de rōme. et auons autāt
dabbeyz cōme il ya de iours en lan par deux fois
et quinze plus. et chascun viēt chāter vne fois
lan en laustel de saict thomas et nous y chan
tōs les festes annuelles. Et pour ce sōmes no
appellez Drestre iehan Car nous sōmes pre
stre selon le sacrifice de lautel. et roy selō iusti
ce et droicture. Et sachez que ie fuz saintifie
auant que ie feusse ne. Car dieu enuoya a
mon pere vng āge le quel luy dist quil f. st vng
palays qui seroyt de la grace de dieu et cham
bre de paradis pour ton enfant qui est a Venir
Car il sera le plus grant Roy terrien de tout
le monde et viura long temps Et qui sera au
palays naura fain ne joif et ne pourra mourir

et quant mon pere se esueilla de son dormir il
eut grant ioye et commença le palais tel com
me vous orres. **P**remierement les pa
roys sont de cristal et la couuerture de dessus
est de pierres p̄cieuses ⁊ par dedens est aourne
de estoilles en sēblance de celles des cieulx ⁊ le
pauemēt est cristal ⁊ audit palais ne trouue
res fenestre ne porte. ⁊ dedēs le palais a. xxiii.
pilliers dor ⁊ de pierres p̄cieuses de toutes ma
nieres Et illec tenōs nostre corps es festes ā
nuelles ⁊ saict thomas p̄sche aux gēs ou mili
eu du palais. et dedēs nostre palais pa les ca
ues ⁊ le meilleur vin du mōde ⁊ q̄ en boit na de
sir des biēs tēporelz ne ne set ou elle Ba ne dō
elle vient.

Itē Vne aultre grāt merueille pa en nostre pa
lais cest assauoir q̄ nul māger ny est appareil
le fors q̄ Vne escuelle Vng gril ⁊ Vng tailloir q̄
sōt pēdus a Vng pilier Et quāt nous sōmes a
table et nous desirōs auoir Viādes elle nous
sōt apareillees par la grace du saict esperit Et
sachez q̄ tous clerics q̄ sōt au mōde ne scauroiēt
dire ne retraire les biēs q̄ sōt en nostre palais ⁊
en nostre chappelle Et sachez q̄ tout ce q̄ nous

Sous auôs escript est Bray cõe dieu est. & ne mē
tirõs pour riēs Car dieu & saĩt thomas nous
cõfũdzoĩet & perdrõs noz dignitez. **D**e Vous
Soulez de nous qlque chose que nous puissĩõs
mãdez le no' car nous le ferõs de tresbõ cueur.
Et Vous priõs q̃l Vous soit en remēbrance du
saĩct passaige & q̃ ce soit prouchainemēt & ayez
bõ cueur grãde hardiesse en Vous & soies remā
brãs de mettre a mort ces faulx tēpliers & pay
ens et Vous priõs q̃ Vous nous ēuoiez respõce
p le porteur de ces presētes Et priõs au roy de
frãce q̃l nous salue tous les feaulx xpĩens de
sela la mer & q̃l nous ēuoye auscũ Baillāt che
ualier qui soit de la bõne generation de france
En priāt nostre seigneur qui Vous doit pseue
rer en la grace du saĩct esperit Amen **D**õ/
ne en nostre saĩct palays Lan de nostre nati
uite .cinq cens et Vij.

Ey finissent les diuersitez
des hõmes des bestes et des
oyseaux qui sont en la terre
Sc Prestre Jehan


cm 1 2 3 4 5 6 7 8 9 10 11 12 13 14 15 16 17 18 19

[Faint, illegible handwriting in a cursive script, likely a historical manuscript. The text is arranged in several horizontal lines across the upper half of the page.]

[Faint, illegible handwriting in a cursive script, likely a historical manuscript. The text is arranged in several horizontal lines across the lower half of the page.]

cm 1 2 3 4 5 6 7 8 9 10 11 12 13 14





1413.

cm 1 2 3 4 5 6 7 8 9 10 11 12 13 14

cm

1

2

3

4

5

6

7

8

9

10

11

12

13

14

15

16

17

18

19

